



## Universitätsbibliothek Paderborn

**Joannis Bonae, Eminentissimi S. R. E. Titulo S. Bernardi  
Ad Thermas Cardinalis Presbyteri Opera Quotquot  
hactenùs separatim edita fuerê Omnia**

**Bona, Giovanni**

**Antverpiae, 1677**

Cap. VI. Epistolae nomen cur lectionibus Liturgicis tributum sit. Earum usus antiquissimus. Lectae aliquando Pontificum epistolae. Ordo Lectionum à quo primùm institutus. Quo olim ritu & à quibus ...

**urn:nbn:de:hbz:466:1-10805**

Christe. Ludovico à Deo coronato, magno & pacifico Regi vita & victoria. Redemptor mundi, Tu illum adjuva S. Michael, S. Gabriel, S. Raphaël, S. Joannes, S. Stephanus, S. Theodosius, cum responsione ad singulos, Tu illum adjuva. Adicit Sacerdos: Exaudi Christe. Henricæ Regine nostra vita. S. Felicitas, Tu illum adjuva: eodemque modo invocantur S. Perpetua, S. Petronilla, S. Lucia, S. Agnes, S. Cecilia. Iterum ait Sacerdos. Exaudi Christe. Nobilissimæ proli regali vita. S. Sylvester, Tu illum adjuva. S. Laurentius, S. Nazarius, S. Pancratius, S. Anastasia, S. Genovefa, S. Columba, addita singulis responsione, Tu illum adjuva. Rursum dicit sacerdos. Exaudi Christe. Omnibus Iudicibus vel cuncto exercitu Francorum & Alamannorum vita & victoria, S. Hilarius, Tu illos adjuva, S. Martine, S. Mauriti, S. Dionysii, S. Albane, S. Crispine, S. Crispiniane, S. Geron: Tu illos adjuva. Post hanc repetit sacerdos, Christus vincit, Christus regnat, Christus imperat. & haec quæ sequuntur Christi attributa commemorat, atque ad singula respondet Clerus, Christus vincit, &c. Rex regum. Christus vincit, &c. Rex noster. Spes nostra. Gloria nostra. Misericordia nostra. Auxiliu nostra. Fortitudo nostra. Liberatio & Redemptione nostra. Victoria nostra. Arma nostra invictissima. Murus noster inexpugnabilis. Defensio & exaltatio nostra. Lux, ria, & vita nostra. Christus vincit, &c. Denique Sacerdos ait: Ipsi soli gloria, & potestas per immortalia secula seculorum. Respondet Clerus, Amen. Ipsi soli honor, laus, & jubilatio per infinita secula seculorum, Amen. Ipsi soli virtus, fortitudo, & victoria per omnia secula seculorum, Amen. Christe audi nos, ter. Kyrie eleison, ter. Feliciter, ter. Tempora bona habeas, ter. Multos annos, ter. Haec Goldastus ex Codice M. S. Monasterii S. Galli. Romanis vero Pontificibus quando fieri desierint hujusmodi laudes in singulis Missis, ignotum mihi est. Scribit Joannes Lucius lib. 2. de regno Dalmatiae cap. 6. adhuc in ea provincia Iugum sive acclamacionum intra Missarum solemnia consuetudinem permanere.

## CAPUT VI.

Epistola nomen cur lectionibus Liturgicis tributum sit. Earum usus antiquissimus. Lectione aliquando Pontificum Epistola. Ordo Lectionum a quo primum institutum. Quo olim ritu & a quibus legerentur. De Graduali seu Responsorio, ejusque origine & variis ritibus. Vox Alleluja quando primum audita. Usus eius in Missa. Cur omittatur in Septuagesima. Tractus quid sit. De Sequentiis & illorum auctoribus.

I. **A**ntiqui Codices Sacramentorum, tam editi quam M. S. Post collectam, inquirunt, sequitur *Apostolus*, id est lectio ex *Apostolo*. Tametsi enim ipsa lectio ex aliis quoque libris Veteris & Novi Testamenti desumatur, ut plurimum tamen ex epistolis Pauli accipitur, ac propterea solius Apostoli in praedictis codicibus mentio fit. Atque inde orta est epistolæ nomenclatura, quæ huic lectioni communiter tribui solet, licet non ex epistolis, sed ex Prophetis sive ex aliis Scripturæ sacre libris desumpta sit. Walfridus Strabo cap. 22. non adeo certum esse ait, quis ante celebracionem sacrificii lectiones Apostolicas vel Evangelicas primum statuerit. „Creditur tamen, „ait, à primis successoribus Apostolorum eam, „dem dispositionem factam, ea præcipue causa, quia in evangeliis eadem sacrificia celebrari jubentur: & in *Apostolo* qualiter celebrari debeant, docetur. Quod si de lectione sacrae Scripturæ generaliter sermo sit, nulli dubium esse potest, eam legendi in Ecclesia consuetudinem ab *Apostolis* emanasse, ad quos hic ritus è Veteri Testamento profluxit. Nam *Exodi* 24. assument Moyses volumen fœderis & immolatis victimis legit audiente populo coram altari: idemque *Deuteronomii* 31. verba ejusdem libri legi præcepit omni populo in unum congregato, ut disserent omnes timere Dominum, & verba ejus custodire. Sic *Leverita* 2. *Ezdra* 8. in conspectu totius populi divina legis codicem legebant distinctè & aptè ad intelligentum. Sic ipse Christus Redemptor noster *Lucæ* 4. intravit secundum consuetudinem die sabbati in synagogam, & surrexit le-

gere. Sic Paulus *Aetor.* 13. Hebreos arguit voces Prophetarum ignorantes, quae per omne sabbatum legebantur. Hunc vero morem servatum fuisse ab Apostolis, cum fideles ad synaxim conveniebant, ipsemet Paulus asseverat ad Corinthios scribens, epist. 1. cap. 14. Cum conveniunt unusquisque vestrum psalmum habet, doctrinam habet: quem textum de Psalmis & lectionibus ante sacrificium quidam interpretantur. Idem expressius ad Colossem. 4. Cum lecta fuerit apud vos epistola hæc, facite ut in Laodicensem Ecclesia legatur; & eam que Laodicensem est, vos legatis. Et in fine epist. 1. ad Thessalonenses, *Adjuro vos per Dominum, ut legatur epistola hæc omnibus sanctis fratribus.* Quamvis enim præcisè non jubet fieri hanc lectionem in Missarum solemnis, verisimile tamen est, esse illi tempori reservatam, quo solebant fideles ad sacra mysteria percipienda convenire; cum præsertim temporibus illis extra hanc occasionem publicos conventus in ecclesia factos nusquam legamus. Clare item hinc ritus in Liturgia Jacobi Apostoli præscribitur, ut nimur legit singulis diebus in sacra & divina Missa oracula sacra Veteris Testamenti & Prophetarum, & incarnationis Filii Dei. Idem asserunt antiqui Patres, Tertullianus in *Apolog.* cap. 39. *Cotinus ad literarum divinarum commemorationem.* Et lib. 2. ad uxorem cap. 6. ubi, inquit, *somenta fiduci de Scripturarum interlectione, five ut Pamelius legit, interlectione?* Quæ verba cum aliis, quæ ibidem leguntur, ad Missam pertinere ex antecedentibus evincitur. Justinus Martyr *Apolog.* 2. Sacrum Christianorum describens ait, & *commentaria Apostolorum, aut scripta Prophetarum, quod tempus fert, leguntur.* Cyprianus ep. 33. & 34. Lectorum meminit, quorum munus erat legere in ecclesia. Dionysius initio c. 3. Ecclesiastica hierarchia ordinem Liturgiæ describens, *Consequenter, ait, sacrarum scripturarum lectio recitatatur.* Eadem in Apostolicis constitutionibus, & in Basiliis, Chrysostomi, aliorumque Liturgiis præcipitur, tanquam sacri ministerii notabilis pars, per quam ad divini Sacramenti participationem fidelium animi disponuntur. Augustinus *lib. 3. de civ. Dei, cap. 8.* Sinaxim diei Paschatis commemorans, *Salutavi, inquit, populum & facto sandom silentio scripturarum divinarum sunt lecta solemnia.* Idem initio serm. 33. de verbis Domini utriusque lectionis argumentum proponit: *»Lectiones sanctæ propositæ sunt, & quas au-*

*»diamus, & de quibus aliquid sermonis adjuvante Domino proferamus. In lectione Apostolica gratiae aguntur Deo de fide gentium: »in Evangelio ad cœnam vocati sumus. Et serm. 10. de verbis Apostoli: *Primum lectionem audivimus Apostoli, fideliis sermo & omni acceptione dignus.* Ita etiam serm. 49. de temp. *Audivimus Apostolicam lectionem.* Et sic psalmi in aliis sermonibus. Leo Magnus serm. 4. Quadrag. prædicatus jejunium ex verbis Apostoli se incipere ait, & diceret quod lectum est, *Ecce nunc tempus acceptabile, ecce nunc dies salutis.* Chrysostomus hom. 3. in 2. ad Tessal. *Quando lector dicit, Hæc dicit Dominus: & stans Diaconus silentio indicio omnibus os obstruit, non lectori honorem habens hoc facit, sed aī qui per illum cum omnibus loquitur.* Idem hom. de David & Saule, qua elegantissime declamat adversus spectacula, eos redarguit, qui iisdem oculis quibus obscoena spectacula inspexerunt, sacram mensam intuerunt, in qua tremenda mysteria peraguntur: & iisdem auribus Prophetam & Apostolum audiunt, quibus scortum audierunt. Ex his autem, omnis recentiorum testimoniorum, evidenter deducitur, morem legendi in Ecclesia, & specialiter initio Missæ, Scripturam non ab Alexandro I. Romano Pontifice, ut quidam perperam scribunt, sed ab Apostolis incepisse.*

11. Usus veterum Patrum fuit, non solum scripta Prophetarum & Apostolorum legere in ecclesia, cum fideles ad Missarum solemnia conveniebant, sed summorum item Pontificum, aliorumque Episcoporum epistolas, eas præsertim quas Irenicas five Pacificas, aut Communicatorias vocabant: quarum commercio unitas, pax & communio inter supremum Ecclesiæ caput Romanum Pontificem, & reliquos Episcopos, atque universa Ecclesiæ membra unâ fidei confessione conservabatur; ita ut Orthodoxi ab Hæreticis facile ab omnibus ex illarum litterarum participatione discernerentur. Mittebant enim ab una Ecclesia in aliam, ut scirent fideles, cum quibus Episcopis communicandum esset. Negat hac de causa Augustinus epist. 162. se litteras Communicatorias scripsisse Donatistis, quas jam olim, ait, propter suam perversitatem, ab unitate Catholica, quæ tōto orbe diffusa est, non accipiunt, sed privatas, qualibus nobis uti etiam ad Paganos licet. Et quia cum illis, qui longo regionum intervallo disti erant, com-

VVV 2

muni-

municatio per osculum pacis fieri non poterat, neque per Eucharistiam, aut per Eulogias; per hujusmodi epistolas fieri solebat. Præclarè Chrysostomus hom. 30. in 2. ad Cor. Vide quemadmodum omnes tam corporibus longè distitos, quam vicinos inter se conciliet, hos nempe per osculum, illos per literas. Epistolam Clementis ad Corinthios publicè lectam in Ecclesia testatur Hieronymus lib. de scriptoribus Ecclesiasticis. Apud Eusebium lib. 4. cap. 15. extat ejus generis epistola Smyrnensis Ecclesiæ ad omnes orthodoxos, qua S. Polycarpi Martyrium describitur. Et infra cap. 27. agens de epistolis à Dionysio Corinthiorum Episcopo scriptis, ait: ex quibus una est ad Lacedæmonios, recte fidei institutionem continens, pacemque & unitatem insinuans. Aliam similem refert lib. 5. cap. 1. Ecclesiæ Lugdunensis & Viennensis ad Ecclesias Asiae & Phrygiae de Martyribus illius provinciae. In collatione Carthaginæ habitrā pro defensione Felicis & Cæciliani legimus, quod pro executione impii editi Diocletiani traditæ sunt etiam literæ salutatoriae simul cum sacris codicibus, qui legebantur in ecclesia. Augustinus epist. 165. hæc de Donatistis scribit: *Legunt in codicibus sanctis Ecclesiæ, quibus Apostoli scriperunt, & nullum in eis habent Episcopum.* Quid autem perversus & insanus, quam Lectoribus easdem epistolas legentibus dicere, *Pax tecum, & ab eorum Ecclesiæ se pace separare,* quibus ipsæ epistole scriptæ sunt? Seriem vero & ordinem lectionum, atque Epistolarum & Evangeliorum, quæ singulis diebus per annum in Missæ sacrificio legi debent, communis Eruditorum sententia est, paucis licet negantibus, S. Hieronymum disposituisse in libro, quem Comitem inscripsit, ediditque Pamelius tom. 11. Liturgicorum. Sed & Cornelius Schultingus initio lue Bibliothecæ ecclesiastice se eundem Comitem M. S. habuisse asserit multo ampliorem quam sit editus à Pamelio, quem typis mandare non potuit deficientibus ad id sumptibus necessariis. Cirant hunc librum nomine Lectionarii omnes antiqui sacerorum rituum scriptores, quidam sine nomine auctoris, alii expresso nomine S. Hieronymi, & titulo Comitis. Ita Micrologus cap. 25. *Liber etiam Comitis sive Lectionarius, quem S. Hieronymus compaginavit.* Et Berno Augiehis cap. 1. *Beatum Hieronymum creditus ordinatore Lectionarii, ut ipsius testatur prologus appositus in capite ejusdem Comitis.* Sed hic prologus non extat

in prædictato Codice Pamelii. Hugo item à S. Victore lib. 2. de off. eccles. cap. 11. Hieronymus Presbyter Lectionarium, ut hodie habet ecclesia, collegit: sed Damasus Papa, ut nunc moris est, legi instituit. Verè autem hunc librum à Hieronymo conscriptum esse, ex eo quidam confirmant, quod Patres eo antiquiores lectionum duntaxat utriusque testamenti generaliter mentionem faciunt: posteriores vero certas lectiones singulis diebus assignatas commemo-  
rant. Sed certas fuisse ante Hieronymum lectiones ex Hippolyti Martyris canone Paschali evincitur, in quo statæ lectiones in cellulis five laterculis designantur. Extat autem hic canon latinè translatus, & notis illustratus ab Aegidio Bueherio in ejus commentario de doctrina temporum. Græcè vero legitur apud Gruterum in Inscriptionibus pag. C XL. ex eo de-  
scriptus, qui sculptus est in lateribus antiquissima sedis lapidea cum statua ipsius Hippolyti in ea sedentis, è ruderibus Urbis ante annos centum effossæ & in ingressu Vaticanae Bibliothecæ collocatae. Augustinus quoque, qui Hieronymo contemporaneus fuit, certas & proprias lectiones statis diebus suo tempore in Africa lectas fuisse docet initio expositionis in epistolam Joannis, his verbis: *Meminit Sanctitas vestra Evangelium secundum Joannem ex ordine lectionum nos solere tractare. Sed quis nunc interposita est solemnitas sanctorum dierum, quibus certas ex Evangelio lectiones oportet in Ecclesia recitari, que ita sunt annuae, ut aliae esse non possint: ordo ille, quem suscepimus, necessitate paulum intermissus est, non omis-  
sus.* Et infra tract. 9. ejusdem expositionis, *Intercesserunt, inquit, ut intermitteremus textum hujus epistole, quedam pro diebus festis solemnia lectionum, que non potuerunt nisi legi & ipsa tractari.* Hunc autem morem, qui tunc vigebat in Africanis Ecclesiis, credibile est in aliis quoque servatum: Hieronymum vero suum Lectionarium per singulos dies distributum ordinasse jubente Damaso Papa, qui ordinem illum in Romana Ecclesia servari præcepit, ex qua ad alias dimanavit. A concilio Laodiceno can. 59. & à Carthaginensi, quod Tertium dicitur, c. 47. sanctum fuit, non oportere in ecclesia libros legere, qui sunt extra canonem, sed solos canonicos veteris & novi Testamenti. Toletanum IV. cap. 16. Apocalypsim legi mandavit Mis-  
farum tempore à Pascha usque ad Pentecosten. Et Bracarense I. cap. 20. decrevit, ut per solem-  
num

nium dierum vigilias vel Missas omnes easdem & non diversas lectiones legant.

III. Solebant autem antiquitus tam epistola quam Evangelium legi in anibone seu pulpite, ex quo etiam Episcopus conciones habebat: quem locum antiqui Patres honoris causa tribunal Ecclesiae appellarunt. Cyprianus epift. 34. agens de Celerino, quem post confessio nem lectorum ordinaverat: *Quid aliud, inquit, quam super pulpitum, id est super tribunal Ecclesie oportebat imponi, ut loci altioris dignitate subnexus & plebi universa pro honoris sui claritate conspicuus, legat praecpta & Evangelium Domini, quae foriter & fideliter sequitur?* Prudentius hymno de sancto Hippolyto.

*Fronte sub adversa gradibus sublime tribunal  
Tollitur Antiflēs, prædicat unde Deum.*

Gregorius Turon. lib. 2. de gl. Martyrum cap. 2. *Denique oratione facta erigo oculorum aciem ad tribunal.* Sidon. carm. 16. Aram vocat:

*Seu te conspicuus gradibus venerabilis arae  
Concionaturum plebs sedula circumficit.*

Cathedra item nomen accepit, unde Ecclesia Cathedralis. Græcis propriè Ambones dicuntur loci excelsi & montani, sive montium cacumina, & quicquid in plano prominet & exurgit: atque inde translatum est nomen ad ecclesiæ suggestum significandum, in quo præter prædictas lectiones etiam Diptycha recitari, & sermones haberi consueverant. Walfridus Strabo falso credidit nomen esse lati num, & ab ambiendo deduci. In eo quoque stabant cantores, graduale & reliqua cantatu ri: unde concilium Laodicenum cap. 15. non oporteret ait præter canonicos cantores, qui ambonem ascendunt & ex membrana psallunt, alios cōcere in ecclesia. Et can. 33. Concilii Trullani quarundam ecclesiæ damnum abusus, in quibus laici suggestum ascen dentes lectoris & cantoris officio fungebantur. Errat autem discrimen inter epistolam & Evangelium, nam illa in inferiori, istud in superiori loco legebatur. Ita Ordo Romanus. Subdiaconus qui lectorus est, mox ut viderit post Pontificem Presbyteros residentes, ascendit in ambonem ut legat, non tamen in superiorum gradum, quem solus solet ascendere, qui evangelium lectorus est. In quibusdam ecclesiis duo sunt graduum ordines, unus à sinistris versus orientem, quo ascendebant; alter à dextris Occidentem spectans, quo descendebant. In aliis subdiaconus viā unā diaconus alterā ibat. Adhuc Romæ

extat veteris ambonis forma in ecclesiis S. Clementis, S. Pancratii, & S. Laurentii extra muros. Priscis temporibus Lectoris partes erant epistolam & evangelium legere, ut notum est ex epistolis Cypriani 33. & 34. supra relatis; & ex concilio I. Toletano can. 2. quo statuitur, ut penitentis non admittatur ad clericum, nisi exigente necessitate inter Ostiarios deputetur, vel inter Lectores, ita tamen ut evangelium & epistolam non legat: quod frustra prohibitum esset, nisi ad Lectoris officium id tunc spectasset. Accedit quod in antiqua subdiaconi ordinatione, sive ex concilio Carthaginensi, sive ex Aquisgranensi, sive ex Ordine Romano, nihil prorsus reperitur, quod ad legendam epistolam referri possit: idque fusus ostendunt Hallier de materia & forma Ordinationis §. 16. & Morinus de sacris ordinationibus P. 3. exerc. 12. cap. 2. Lector autem olim per traditionem codicis ordinabatur, qui ritus adhuc hodie perseverat, & in ecclesia orientali traditum eis codex epistolarum S. Pauli, quas publicè legunt in ecclesia. Quo vero tempore coperint subdiaconi legere epistolam dubium est. Suspicio autem facculo octavo id contingit; Amalarius enim, qui initio saeculi novi claruit lib. 2. cap. 11. *Miror, inquit, quae re sumptus fit usus in ecclesia nostra, ut subdiaconus frequentissime, non ergo semper, legat lectionem ad Missam, cum hoc non repertetur ex ministerio sibi dato in consecratione commissum, neque ex literis canonibus, neque ex nomine suo.* Et in fine capituli subdit. *Sed postquam statutum est à Patribus nostris ut Diaconus legeret Evangelium, statuerunt ut & Subdiaconus legeret epistolam sive lectionem.* At quando id statutum fuerit non dicit Amalarius, & ego existimo ante cœpisse Diaconos legere Evangelium, quam Epistolam Subdiaconos, ut ostendam cum de Evangelio fermo erit. Favet supradictæ conjecture concilium Remense I. anno 813. celebratum; in quo cap. 4. asseritur, quod præsidentibus cunctis lectione sunt Epistole Pauli, qualiter subdiaconi ministerium est cumdem Apostolum legere, ut officium sibi commissum implere rectius potuissent. Apud Anastasium Benedictus III. qui vixit in Pontificatu anno 856. librum perditum restituisse dicitur, in quo erant lectiones, que à subdiaconibus more solito leguntur per cunctas Ecclesiæ stationes: in quo græcas & latinas lectiones, quas die sabbato sancto Pasche, simulque & Pentecostes subdiaconi legere soliti sunt, adjungi præcepit.

cepit; miraque operationis tabulis argenteis decenter adornavit. Ex quo vides, hunc morem à Romana Ecclesia ad cæteras dimanasse. Atque id Micrologus cap. 8. confirmat, dicens, *soli Subdiaconibus inter inferiores gradus Romana auctoritas concedit, ut sacris vestibus induiti epistolam legant ad Missam.* Quod tamen non ex eorum conseruatione, sed potius ex ecclesiastica concessione meruerant obtinere. Prisco ritu in multis Ecclesiis lectioni Epistola & lectio aliqua ex Prophetis præmitti solebat, diebus præsertim solemnioribus, quibus in Comite S. Hieronymi assignata est: & extat etiam hodie in quibusdam Missaliis pro vigilia Nativitatis Domini, & pro tribus Missis ejusdem festivitatibus; quibus etiam diebus olim erat in Missali Romano, ut Radulfus testatur *Propos. 23.* antequam scilicet fratres Minores Romanum ritum immutarent. Hic autem mos ab Ecclesia Mediolanensi quotidie servatur, itemque à Mozarabica, ut in eorum Missaliis patet. Eundem ritum viguisse in Gallia, priusquam Romanis usibus uterentur, Gregorius Turonensis testis est lib. 1. Mirac. S. Martini cap. 5. *Factum est, inquit, ut illa Dominica, prophetica lectione jam lecta, ante altarium staret, qui lectionem B. Pauli proferret.* De Ecclesia Orientali testimonium Pachymeris habemus, qui exponens cap. 3. Eccles. Hierarchiæ Dionysii, ait: *Deinde per lectores divinarum scripturarum, Prophetarum, Apostoli, & Divini Evangelii lectio fit.* Finita epistola respondentis ministri nomine totius populi *Deo gratias,* que vox antiquissima est, nam ejus meminit S. Benedictus cap. 66. *sue Regule tanquam à Monachis psalmi usurpatæ:* & August. in *Psal. 132.* Donatistas redarguit, qui Catholicorum *Deo gratias* irridebant.

IV. Dum perfecta epistola præparat se Diaconus ad legendum Evangelium, Chorus Responsorium concinit, quod Graduale nuncupatur, non à gradibus altaris, ut quidam recentiores scribunt; sed à gradibus ambonis sive pulpiti, ut docet Ordo Romanus dicens, *Finita lectione illi, qui Graduale & Alleluja cantaturi sunt, juxta pulpitum in inferiori gradu standum est.* Et vetus ejusdem ordinis expositio apud Cassiodrum in Liturgicis cap. 21. Responsorium, inquit, *quod ad Missam dicitur, pro distinctione aliorum Graduale vocatur, quia hoc psal-*

*litr in gradibus, cætera verò ubiunque voluerit cleris.* Idem assertit Amalarius lib. 3. cap. 17. *Lector, inquiens, & cantor in gradum descendunt more antiquorum.* Nomen autem Respondorii inde accepit, quia lectioni convenire & respondere debet: sive ut ait Rabanus lib. 1. cap. 33. *Quia uno defiente alter responderet.* Afferit Ifidorus lib. 1. cap. 8. de eccl. off. *Responsoria ab Italib inventa esse,* sed à quo præcisè & quo tempore instituta sint, incertum est. Sunt qui eorum auctorem Cælestinum faciunt, sunt qui Gregorium Magnum. Et Gregorius quidem ea in suo Antiphonario per ordinem digessit, quæ in singulis Missis per annum cantari solent: at usum psallendi vel aliquot Psalmi versiculos, vel integrum Psalmum, inter Epistolam & Evangelium, multò antiquiore Gregorio fuisse, saltem in Africa, ex Augustino clare ostenditur. Nam initio ferm. 33. de verbis Domini recenset, quid in lectione Apostolica, quid in Psalmo, quid in Evangelio 1. etat sit. Et de verbis Apostoli ferm. 8. *Apostolum, inquit, audivimus, Psalmum audivimus, Evangelium audivimus, consonant omnes divina lectiones.* Et infra ferm. 10. *Primam lectionem audivimus Apostoli, deinde cantavimus Psalmum: post hec Evangelica lectio decem leprosos mundatos nobis ostendit.* Plerique Missæ expôtores tam veteres quam recentiores, de Gradualis antiquitate agentes, gravi se difficultate involvunt propter decretum Concilii quarti Tolentani, quod celebratum fuit sub Honorio Papa an. 633. In eo siquidem can. 12. non obstante, quod dudum Greg. M. Responsorium post Epistolam cantari statuisset, sanctum fuit, ut immedietè post Epistolam Evangelium legeretur, nulla facta Responsoriis interpositione. Verba canonis hac sunt: *In quibusdam Hispaniarum Ecclesiis Landes post Apostolum decantantur, priusquam Evangelium prædictetur; dum canones precipiunt post Apostolum non laudes, sed Evangelium annunciariri.* Presumpcio est enim, ut antea ponantur ea, quæ sequi debent. Nam laudes ideo Evangelium sequuntur propter gloriam Christi, que per idem Evangelium prædictatur. Circa omnes igitur Sacerdotes hic ordo decipit retineatur, excommunicationis pœnam suscipiuros, qui hunc ordinem perturbaverint. Putat Berno Augiensis cap. 1. tempore huius Concilii Graduala frequentari coepisse, & Hispanos novitate rei percuslos restituisse;

tisse; postea verò Romanæ Ecclesæ auctoritate constitutum fuisse, ut Responsoria & Alleluja ante sanctum Evangelium canerentur. Idque ait Valfridus Strabo c. 22. usi Romano commendatum ad omnes deinde Latinorum Ecclesiæ pervenisse. Sic omnes ferè ignorantia facti hunc nodum evadunt, sed non solvunt. Ad ritum enim Mozarabicum, quo tunc Hispania utebatur, & longo post tempore ibidem viguit, pertinet citatus canon: quem ritum cum quidam Sacerdotes perverterent, merito in illis Toletani concili Antistites, Isidoro Hispanensi in eo presidente, animadverterunt. Sunt autem laudes, quæ post Evangelium prisco more Hispaniarum dicuntur, non hymnus trium puerorum, ut ait in notis ad præcatum canone Garzias Loaysa, sed versiculis cum Alleluja ei prorsus similis, qui ritu Romano post Responsorium cantatur. Ipsum verò Responsorium cantabant Hispani post lectionem veteris testamenti, que in eorum Missali epistola premittitur. At post epistolam chorus respondet Amen, & sequitur immediate Evangelium. Eodem ferè ritu utuntur Ambrosiani, nam post lectionem veteris Testamenti sequitur Psalmellus quem vocant, instar Gradualis Romani. At versus cum Alleluja concinunt post epistolam. In Liturgia Maronitarum post lectam Epistolam dicit Sacerdos haec verba: Gloria Domino Pauli & Prophetarum & Apostolorum. Misericordia Dei sit super lectores & super auditores, & super civitatem hanc, a qua omnes habitatores ejus in saecula Amen. Alleluja, Alleluja. Ferte oblationes, & introite in aria Domini, & adorate eum in templo sanctitatis ejus, & confitemini ei ac benedicite nomini ejus, à quo vita datur, Alleluja.

V. Quod verò attinet ad hanc vocem Alleluja, qua post Responsorium certo anni tempore simul cum versiculo, & tempore Paschali sine Responsorio geminato versu decantatur, plura congettii in tract. de divina Psalmodia c. 16. §. 7. Auctor libri de vita & morte Prophetarum inter opera S. Epiphanii Aggœum Prophetam primum fuisse ait, qui Alleluja cantavit, cum novam templi structuram vidit. Sed ex psalmis constat primum ejus auctorem fuisse David Regem, de qua re eleganter Cagliodorus in Pf. 104. Hoc verbi deus, ait, a præsenti psalmo facit initium, nec ante à quoquam reperitur positum, quamvis multi scriptores fuerint primitus Hebreorum. Hoc Ecclesiæ votivum, hoc sanctis festi vitiis decenter accommodum; hinc ornatæ lingua cantorum, siud aula Domi-

ni leta respondet, & tanquam insatiabile bonum tropis semper variabitur innovatur. Extat etiam in libro Tobiae c. 13. nec alibi legitur in tota serie veteris testamenti. At in nova lege Joannes Apostolus in sua admirabili Apocalypsi c. 19. refert se audisse in caelo supernarum virtutum choros psallentes Alleluja: ut inde cognoscamus nobilissimum hoc canticum è eis in Ecclesiam descendisse. Quidam secuti Sozomenum lib. 7. cap. 19. existimauit, Ecclesiam Romanam in solo die Dominicæ Resurrectionis cecinisse Alleluja: de qua re Latinos reprehendit Michael Constantinopolitanus, cui respondens Umbertus Cardinalis, ait nos toto anno psallem Alleluja, exceptis novem hebdomadiis, quibus id intermittere à Patribus nostris accepimus, à Septuagesima nimirum usq; ad Pascha. S. Augustinus epist. 119. cap. 17. diversas hac de re Ecclesiarum consuetudines fuisse testatur. Ut Alleluja, inquit, per solos dies quinquaginta in Ecclesia cantetur, non usquequaque observatur. Nam & in aliis diebus varie cantatur alibi atque alibi, ipsis autem diebus ubique. Idem in Psalmum 106. ait, Alleluja cantare certo tempore solem in terminis est, secundum Ecclesie antiquam traditionem. Gregorius Magnus lib. 7. epist. 63. murmurasse quosdam scribit, quod Alleluja ad Missas dicci fecisset extra tempora Pentecostes, quibus ita respondet, Ut Alleluja hic diceretur, de Hierosolymorum Ecclesia ex B. Hieronymi traditione, tempore beatæ memorie Damasi Papæ traditum. Quod ita intelligendum est, ut, cum olim tempore tantum Paschali cantaretur, tunc sanctum sit, etiam extra illud frequentari. Cur verò novem prædictis hebdomadiis omittatur, variae traduntur cause à scriptoribus rerum Ecclesiasticarum, quae Theophilus Raynaudus coacervat libro de attributis Christi sec. 2. cap. 11. nom. 294. & sequentibus. Vivente sancto Benedicto multo tantum Quadragesima dimitti solebat, ut constat ex capite 15. Regulae: verum omitti Dominica Septuagesimæ paucis post ipsum annis coepit, ut in Antiphonario S. Gregorii statuit, ubi pro Alleluja ponitur Tractus aliquot versibus, & interdum integro psalmo constans; cui à trahendo hoc nomen inditum est, quia tractum & graviter, notariumque seu vocum prolixo decursu cantatur. Diem verò psallimus Alleluja, jubilamus magis quam canimus, ut observat Rupertus Abbas lib. 1. de div. off. cap. 35. Unamque brevem digni sermonis syllabam.

syllabam in plures neumas protrahimus, ut jucundo auditu mens attonita repleatur, & rapiatur illuc, ubi sancti exultabant in gloria, & letabantur in cibilibus suis. Sunt autem neuma<sup>e</sup> si-  
ve neumata, vel neumatum distinctiones, ut vocant Musici, notæ illæ quæ in fine ejus vocis Alleluja prolixè decantantur, de quibus Seraphicus Bonaventura lib. de expofit. Miffæ cap. 2. Solemus, ait, longam notam poſt Alleluja ſuper hanc literam A prolixia<sup>s</sup> decantare, quia gaudium sanctorum in celis interminabile & ineffabile eſt. Et Stephanus Eduenſis lib. de ſicram. Altaris cap. 12. Allelujatici canſus modulatio, inquit, laudes fidelium Deo dicatas exprimit, & gratiarum actiones quibus ſuſpirant ad eterna gaudia. Verbum eſt breve: ſed longo protrahitur puncumate. Porro hiſ notis, quæ poſt Alleluja ſine verbis cantantur, Jubili ſive Jubilationis nomen tribuerunt Antiqui. Ab aliis Sequentiæ dictæ ſunt, quia ſunt quedam veluti ſequela & appendix cantici Alleluja, quæ ſine verbis poſt iſpsum ſequitur. Utriusque nominiſ meminit Amalarius lib. 3. cap. 16. dicens: Hæc jubilatio, quam cantores ſequentiam vocant, ſtratum illum ad mentem noſtram reducit, quando non erit neceſſaria locutio verborum: ſed ſola cogitatione mens menti monstrabit quod retinet in ſe. Et Ordo Romanus, ſequitur, ait, jubilatio, quam ſequentiā vocant.

VI. Hinc factum eſt, ut Profæ illæ ſeu Rythmice modulationes, quæ rariuſ in Romana Eccleſia, in aliis quibusdam frequentiū poſt Alleluja cantantur, ſequentiæ dictæ ſint, quia loco ſequentiæ psalli ceperunt. Radulfus Tun-  
grenſis propof. 23. Abbas Notgerus ſequentiā alli-  
quas pro neumis de Alleluja compoſuisse dicitur. Et paucis interjectis. Jubili autem ſeu neumata gra-  
dualia & de Alleluja reſecandi non ſunt, niſi cum illorum loco ſequentiæ decantarentur. Hugo Vičto-  
rius de myſteriis Eccleſiae cap. 7. Quando ſequentiā dicitur, poſterius Alleluja non habet pneu-  
ma; ſed chorus loco ejus ſequentiā concinit. Gui-  
bertus Tornarenſis lib. de offic. Epifcopi cap.  
23. Additur ſequentiā, & non protrahitur ſequen-  
tia Alleluja; ſed ſequentiā loco ejus canitur. De  
Auctoribus ſequentiārum diſſuſe traçat Cornelius Schultingus to. 1. p. 2. cap. 6. & 7. Biblio-  
theca Eccleſiastica, & de ſingulis judicium ſuum profert, ſed non ſemper exactum: multas enim perperam tribuit sanctis Pontificibus Ge-  
laſio & Gregorio aliisque Patribus, quas fly-  
lus evinçit recentioribus scriptas eſſe. Commu-

nis autem ſententia eſt, primum earum aucto-  
rem fuſſe Notgerum Abbatem S. Galli, qui earum volumen Litivardo Vercellarum Epif-  
copo obtulit, ut Eccherardus Monachus in vita ejusdem Notgeri ſcribit c. 16. & ſequentibus, apud Goldaſtum to. 2. rerum Alamannicarum. Plures etiam ſaeculo XII. compoſiſſe fertur Adam de S. Victor. Crevit deinde earum numerus, & irrepferunt nonnullæ proſuſis inceptæ: non enim ſervati ſunt canones concilii Milev-  
tani, & tertii Carthaginensis, ut nihil publicè in Eccleſia recitatetur, quod in synodo com-  
probatum non eſſet, ſed multi multas introdu-  
ixerunt, ut ait Radulfus, quia quicquid gaudet ſuis novitatibus. Lugdunenes proprias habent in ſingulis ferè Miffis: propriæ item extant in Miffali Norvegiæ, & in aliis diversarum Eccleſiarum, quarum maximam partem explicat Jodocus Clivkovæus lib. 4. ſui Elucidatorii. At in Romana Eccleſia quatuor dumtaxat cantari ſolent, Paſchalis nimiriū, quæ incipit Vi-  
timæ Paſchali, cujus auctorem eſſe Notgerum Herrera ſcriptor recentior afferit lib. 2. de origine & progressu rituum Miffæ cap. 12. Altera eft diei Pentecōſteſ, Veni Sancte ſpiritus, qua Roberto Galliarum Regi adſcribi ſoleat, licet à nonnullis tribuat Hermanno contracto. Ter-  
tia eft S. Thomæ Aquinatis pro feſto corporis Christi, Lauda Sion Salvatorem. Quarta deni-  
que canitur in Miffis defunctorum, Dies ire, dies illa, quam diversis diversi tribuunt. Leander Albertus Litino Cardinali Ursino ordinis Prædicatorum adſcribit: Lucas Wadingus Thomæ de Celano ordinis Minorum: alii apud eundem Wadingum S. Bonaventuræ vel Mattheo Aquaspartano ex Generali Minorum Cardi-  
nali. Poſlevinus in Appar. ſacro tribui ait Auguſtino Bugellenſi Pedemontano ord. S. Auguſtini, ſubdens ibidem verum auctorem eſſe Umbertum V. Generalem ordinis Prædi-  
catorum. Arnoldus Uyton lib. 5. ligni vite c. 70. à quibusdam adjudicari afferit S. Gregorio Magno, nec defini qui S. Bernardo affingant. Notat autem Petrus Cirvelus in expoſitione Miffalis lib. 2. cap. 115. impropriè dici ſequentiā in Miffis Defunctorum, quia hoc officium, nec Alleluja, nec ſequentiā debet habere, quæ ſunt cantica laetitia: idque ex eo quod ſuprā oſtendimus confirmari potest; nam ſequentiā neumati poſt Alleluja addito ſuſfecta eft: atque inde deducitur, hanc nulli Antiquorum tribuendam eſſe, ſed alicui recentiori,

tiori, cum ritus ecclesiastici immutari ceperunt. Porrò sequentiae in vita Pauli Abbatis S. Albani Troparia nuncupantur. A Græcis aliter quam à Latinis epistola legi confuevit. Nam præmissis antiphonis & precibus, sequitur Trisagion, deinde Alleluja cum duobus versibus ex psalmis, qui Propositum dicuntur, post quos legitur epistola, & eā completā iterum chorus psallit Alleluja.

## CAPUT VII.

*Lectionum Evangelium in Ecclesia à tempore Apostolorum. Non statim hoc munus tributum Diaconis. Varii ritus legendiam & audientium. Libro Evangeliorum habitus honor in Ecclesia, in Synodis, publicè & privatim. Vetus quædam Monachorum mos. Sermones, homiliae & monitiones ad populum post Evangelia. Quædam de solemnī Panis-tentium absolutione.*

I. **M**orem legendi Evangelium in Ecclesia antiquissimum esse, nemo dubitare potest, qui in evolvendis veterum Patrum monumentis versatus sit. Cœpit enim in solemani fidelium conventu legi, statim ac scriptum fuit. Et quidem de Lucæ Evangelio testimonium perhibet Apostolus 2. ad Corin. cap. 8. dum fratrem commemorat comitem suæ peregrinationis, cuius, lang, inquit, est in Evangelio per omnes Ecclesias, quod non de Barnaba, ut Græci putant, sed de Luca intelligendum esse Hieronymus & alii testantur; favetque Ignatius Martyr, qui epistola ad Ephesios hoc Pauli elogio uitetur dicens, ut testatur Lucas, cuius laus est in Evangelio. Clarius autem Eusebius lib. 2. Eccles. hist. cap. 15. scriptum à Marco Evangelium ait Romanorum precibus: *Quod cum Petrus per revelationem sancti Spiritus cognovisset, delectatus ardentissimum studio, librum illum auctoritate sua comprobasse dicitur, ut dinceps in ecclesiis legeretur.* Referunt id à Clemente in sexto Institutionum libro, cui testis etiam accedit Papias Episcopus Hieropolitanus. Hæc Eusebius, cui quod attinet ad publicam Evangelii recitationem, ad stipulantur Justinus Mar-

tyr, & Cyprianus superiori Capituloretati, & alii Patres, quorum testimonii paginas implere in re clarissima superfluum foret. Neque obstat canon XVI. Concilii Laodiceni, quo sancitum fuit, ut Evangelium cum aliis scripturis sabbatho legeretur: nam fortassis in ea provincia die tantum Dominico, & quartâ ac sextâ feriâ, quæ tunc solemnores erant, & Missæ sacrificio celebabantur, ut suo loco ostendimus, legi confueverat; eumque ritum Patres illius concilii ad diem quoque sabbati extenderunt: vel aliam specialem nobisque ignotam illius editi causam fuisse credendum est. Simili modo in concilio I. Arausiano tempore Leonis I. can. 18. statutum est, ut Evangelia, quæ foliis fideliibus ante legebantur, deinceps etiam Catechumenis legerentur. Idem decrevit concilium Valentini in Hispania c. 1. Ut sacrosancta Evangelia ante munerum unctionem, in Missa Catechumenorum in ordine lectionum posse Apostolum legantur, quatenus salutaria precepta Domini nostri Jesu Christi, vel sermones sacerdotis non solum fidèles, sed etiam Catechumeni ac Pénitentes, & omnes qui ex diverso sunt, audire licitum habent. Ut si in Evangelium, quod exclusis catechumenis & ceteris, qui mysteriis interesse non poterant, antea legi confueverat, mox illis presentibus & audientibus legeretur. Neque etiam obstat, quod Gregorius Magnus affirmit in epistola saepius citata ad Joannem Syracusanum, morem Apostolorum fuisse, recitatâ dumtaxat oratione Dominicâ oblationis hostiam consecrare: ex quo inservit Morinus parte 3. exercit. 9. cap. 1. numero 12. multorum annorum decurso Evangelium in Missæ celebratione lectionum non esse. Id enim omnino de illis annis intelligi debet, cum Evangelium nondum erat scriptum: alioquin mendacii arguerentur Clemens & Papias Apostolorum sæculo proximi, qui, ut vidimus referente Eusebio, testati sunt Evangelium Marcii à Principe Apostolorum approbatum, publice in ecclesia lectionum fuisse: quod de aliis quoque à Mattheo, Luca, & Joanne scriptis contigisse non dubito. Nam cum Scripturæ ex prisco Synagogæ usu in conventibus legerentur, fidelium pietas & amor erga Dominum & Salvatorem nos credere compellit, ejus gesta à viris tantæ auctoritatis Deo inspirante conscripta, publicè perlegi statim cepisse: cui lectioni tamquam sacrae functioni, destinatus ab initio fuit ordo Lectorum, ad quos spectabat

XXX

tam